

神輿本經會通

紫參○使也。畏辛夷。○三月採根。火炙使紫色。味苦辛。氣寒。微寒無毒。○湯同。

本經云。主心腹積聚。寒熱邪氣。通九竅。利大小便。療腸胃大熱。唾血衄血。腸中聚血。癰腫諸瘡。止渴。益精。○藥性論云。使味苦。能散瘀血。主心腹堅脹。治婦人血閉不通。○啗經云。仲景治痢。紫參湯。用紫參半斤。甘草二兩。以水五升煎紫參。取二升。內甘草煎。取半升。分溫三服。

苦參○玄參爲之使。惡貝母菟糸。反藜蘆。○少入湯





用多作丸服。或浸酒。○三八九月採根。暴乾。○局云。用米泔浸。漉出焙乾。

味苦。氣寒無毒。○湯云。氣寒。味苦。氣沉純陰。○珍云。去濕除熱毒。主皮風煩躁瘡。和嘔逆。治赤癩。眉毛脫。

本經云。主心腹結氣。癥瘕積聚。黃疸。溺有餘瀝。逐水除癰腫。補中明目。止淚。養肝膽氣。安五臟。定志益精。利九竅。除伏熱。腸澼。止渴醒酒。小便黃赤。下部。平胃氣。令人嗜食。輕身。○陶云。根味至苦。惡。

病人酒漬飲之。多差。患疥者。一兩服亦除。蓋能殺  
虫。○藥性論云。能治熱毒風。皮肌煩燥。殺虫瘡疥。  
赤癩眉脫。主除大熱嗜唾。治腹中冷痛。中惡腹痛。  
除體悶。治心腹積聚。不入湯。○日華子云。殺疳炒  
帶烟出爲末。飯飲下。治腸風瀉血。并熱痢。○晷經  
云。古今方。治瘡癬最多。亦可治癩疾。○心云。除濕。  
○衍義云。有人遍身病風熱細疹。痒痛不可任。連  
胸脛臍腹近陰處皆然。涎痰亦多。皂角二兩。水一  
升。揉瀝取汁。銀器內熬成膏。和苦參爲丸。如梧子

大。食後溫水下二十丸。至三十丸。次日便愈。○時  
習云。苦參揩齒。久能病腰。○丹溪云。屬水而有火  
能峻補陰氣。或得之而反腰重者。以其氣降而不  
升也。升傷腎之謂。治大風有功。况風熱細疹乎。○  
局云。苦參味苦殺疳虫。逐水消癰。更補中。止渴療  
瘡。通結氣。又除積聚。治腸風。○苦參。攻腸風。又可  
消癰。破癥結。

萆若子。○一名天仙子。雖有毒。得甘草升麻犀角並  
能解之。



味苦甘。氣寒有毒。

本經云。主齒痛。出虫。肉痺。拘急。使人健行。見兇療癩。狂風癘。顛倒拘攣。多食令人狂走。久服輕身。走及奔馬。強志益力通神。○局云。葇若苦辛。誠有毒。天仙子卽共苗根。風癘攣搐癩狂治。多食令人強走行。○葇若。止搐攔風。

蘆根○使也。二八月採。日乾。用之當取水底甘辛者。其露出。及浮水中者。並不堪用。○今北地謂葇者。皆可通用也。

味甘氣寒。○湯同。

本經云。主消渴客熱。止小便利。○唐注云。療嘔逆  
不下食。胃中熱傷寒患者。彌良。其花名蓬農。水煮  
汁服。主霍亂大善。用驗。○藥性論云。使無毒。能解  
大熱。開胃。治噎噦不止。○日華子云。治寒熱時疾  
煩悶。妊孕人心熱。并瀉痢人渴。○晷經云。葛洪療  
嘔噦。切根水煮。頓服。其花名蓬茸。主卒得霍亂。氣  
息危急者。取一把。煮濃汁。頓服。二升。差。兼主魚蟹  
中毒。服之尤佳。其筍味小苦。堪食。法如竹筍。但極



冷耳。○丹溪云。金匱王函方。治五噎。心膈氣滯。煩悶。吐逆。不下食。蘆根五兩。剉。以水三大盞。煮取二盞。去滓。不計時溫服。

敗醬。○臣也。葉似稀蒼。及水葺薇銜。根紫似柴胡。作陳敗豆醬氣。故名。八月採根。暴乾。○局云。陳良甫婦人方。說是苦薺菜。最益婦人。

味苦鹹。氣平。微寒。無毒。○湯云。入足少陰經。手厥陰經。

本經云。主暴熱。火瘡。赤氣。疥癢。疽痔。馬鞍熱氣。除

癰腫結熱風痺不足。產後疾痛。○藥性論云。臣味  
辛苦。微寒。治毒風癩痺。主破多年疑血。能化膿爲  
水。及產後諸病。止腹痛。破癥結。產前後諸疾。除疹  
煩渴。○日華子云。味酸。治赤眼障膜。努肉。聾耳。血  
氣心腹痛。破癥結。產前後諸疾。催生。落胞。血運。排  
膿。補痿。鼻洪。吐白。赤白帶下。瘡癩。疥癬。丹毒。○呂  
經云。仲景治腹癰有膿者。薏苡仁附子敗醬湯。薏  
苡仁十分。附子二分。敗醬五分。爲末。取方寸匙。以  
水二升。煎取一升。頓服之。小便當下。愈。○局云。敗

醬只因陳腐氣。氣同醬敗始因名。婦人產後方宜用。仲景將來療腹癰。○敗醬婦人產後用。

蚤休○卽紫河車也。俗呼重樓金線。○四五月採根。日乾用。○花藥上系有金線垂下。

味苦。氣微寒。有毒。

本經云。主驚癇。搖頭弄舌。熱氣在腹中。癩疾。癰瘡。陰蝕。下三蟲。去蛇毒。○唐注云。醋摩。療癰腫。傅蛇毒。有效。○日華子云。治胎風。搐手足。能吐瀉。療癩。○局云。紫河車卽線重樓。本草編名曰蚤休。主治。



癩癘驚熱疾何憂弄舌與搖頭○紫河車卽蜚休  
主癰疽至聖。

敗蒲席○當以人臥久者爲佳。

氣平。

本經云主筋溢惡瘡○藥性論云亦可單用主破  
血從高墜下損瘀在腹刺痛此蒲合破敗者良取  
蒲黃赤芍當歸大黃朴消煎服血當下○聖惠方  
治霍亂轉筋垂死水煎溫服。

茜根○畏鼠姑可以染絳卽今茜草也○二三月採

根暴乾。○凡使勿犯鐵并鉛炒用。

味苦氣寒無毒。○湯云陰中微陽。○珍云去死血。  
本經云主寒濕風痺黃疸補中止血內崩下血膀胱不足趺跌蠱毒久服益精益輕身。○藥性論云味甘。主治六極傷心肺吐血瀉血用之。○陳藏器云茜根主蠱煮汁服之。周禮庶氏掌除蠱毒以嘉草攻之。卽蘘荷與茜主蠱爲最也。○日華子云味酸止鼻洪帶下產後血運乳結月經不止腸風痔痿排膿治瘡癰泄精尿血撲損瘀血酒煎服殺蠱



毒入藥剉炒用。○晷經云醫家治蠱毒尤勝。○雷公云赤柳草根真與茜根相似只味酸澁不入藥用傷眼。○局云茜根味苦性微寒中蠱能消吐爛肝吐血不寧羅末服風寒濕痺盡調痊。○染絳茜根理風寒止吐血。

王不留行○又名禁宮花剪金花。○二八月採根苗花子並通用。○局云酒蒸漿水浸一宿焙乾。

味苦甘氣平無毒。○湯云陽中之陰。○珍云主金瘡乳癰。

本經云。主金瘡。止血。逐痛。出刺。除風痺。內寒。止心  
煩。鼻衄。癰疽。惡瘡。痿乳。婦人難產。久服。輕身耐老。  
增壽。○藥性論云。治風毒。通血脈。○日華子云。治  
發背。遊風。風疹。婦人月經不勻。及難產。根苗花子  
通用。○醫經云。仲景治金瘡。八物。王不留行散。小  
瘡。粉其中。大瘡。但服之。產婦亦服。廣利方。療諸風  
瘕。有王不留湯。最効。○下乳。引導用之。○局云。王  
不留行。味苦平。剪金花。卽是其名。金瘡止血。仍除  
痛。婦女催生。利月經。○王不留行。金瘡止血。又名

剪金花。

羊蹄。○取根用。○俗呼爲禿菜。

味苦。氣寒。無毒。○一云。有小毒。

本經云。主頭禿疥癢。除熱。女子陰蝕浸淫。疽痔。殺蟲。○唐注云。實。味苦澁平。無毒。主赤白雜痢。根。味

辛苦。有小毒。○日華子云。羊蹄根。治癬。殺一切虫。

腫毒。醋摩貼。葉。治小兒疳虫。殺魚毒。亦可作菜食。

○丹溪云。羊蹄菜。屬水。走血。葉似蕒。甘而不苦。多食亦令人大腑泄滑。亦取爲菜。羊蹄經不言根。菹



經加根字。今人生採根。醋摩塗癬瘡立効。俗呼爲  
秃菜。又詩言採其蓄。正謂此草。○局云。羊蹄寒苦  
除頭秃。世俗呼爲秃菜根。療痔殺虫攻疥癬。女人  
陰蝕水和煎。○羊蹄殺三虫。

苧根。○使也。○二八月採。

味甘。氣寒。○一云味甘平。○一云味甘滑冷。無毒。  
本經云。主小兒赤丹。其漬苧汁。療渴。○別錄云。根。  
安胎。貼熱丹毒腫有効。漚苧汁。主消渴。○陳藏器  
云。苧。破血。漬苧與產婦溫服之。將苧麻與產婦枕。

之。止血暈。產後腹痛。以苧安腹上。則止蠶咬人毒。  
入肉。取苧汁飲之。今以苧近蠶種。則蠶不生。○藥  
性論云。使味甘平。主懷妊安胎。○日華子云。味甘。  
滑冷。無毒。治心膈熱。漏胎。下血。產前後心煩悶。天  
行熱病。大渴。大狂。服金石藥。人心熱。罽毒。箭蛇虫  
蛟。○晷經云。白丹煮水浴之。日三四。差。韋宙療癰  
疽發背。初覺未成膿者。以苧根葉熟搗。傅上。日夜  
數易之。腫消。則差。○纂要云。苧根。燒存性。止血。○  
局云。苧皮。漬布。苧根。良。補血安胎。味可嘗。止渴。須



求漬苧汁。小兒丹毒亦根涼。○苧根涼小兒之丹  
毒。安護胎宮。

蓖麻子。○夏採莖葉。秋採實。冬採根。日乾。○勿使黑  
天赤利子。兩頭尖。有毒。不可用。○局云。和皮用鹽  
湯煮去皮。研用。

味甘辛。氣平。有小毒。

本經云。主水癥。水研服。吐惡沫。差則止。又主風虛。  
寒熱身體瘡癢浮腫。尸疰惡氣。榨取油塗之。○日  
華子云。治水脹腹滿。細研水服。壯人可五粒。催生。

傳產人手足心。產後速拭去。瘡痍疥癩亦可研傅。  
○晷經云。海上方。治難產。及胞衣不下。取蓖麻子  
七枚。研如膏。塗腳心底。子及衣纔下。便速洗去。不  
爾。腸出。卽用此膏塗頂。腸當自入。○局云。蓖麻子  
主催生產。塗腳心中。速去之。瘡癢浸油。搽傅妙。水  
瘕研服。更爲竒。○草麻子。善主催生。搗膏傅脚版。  
蓖麻葉

本經云。主脚氣風腫不仁。擣蒸傅之。○唐注云。油  
塗葉炙熱。慰顙上。止衄尤驗。○丹溪云。屬陰。能出

有形質之滯物。故取胎產胞衣。剝骨膠血者用之。

○余同本經唐注。

芫蔚子。○卽益母草。○莖五月採。○子九月採。醫方中稀見用實者。

味辛甘。氣微溫。微寒。無毒。

本經云。主明目益精。除水氣。療血逆。大熱。頭痛。心煩。久服輕身。○莖主癰瘡。癢。可作浴湯。○唐注云。搗芫蔚莖。傅丁腫。服汁。使丁腫毒內消。又下子死腹中。主產後血脹悶。諸雜毒腫。丹油等腫。取汁如



豆滴耳中。主聾耳中。虺蛇毒。傅之。良。○陳藏器云。本功外。苗子入面藥。令人光澤。亦搗苗。傅乳癰。惡腫痛者。又搗苗絞汁服。主浮腫下水。兼惡毒腫。○日華子云。治產後血脹。苗葉同功。乃益母草子也。作節節生花。如雞冠子。黑色。九月採。○畱經云。廣濟方。療小兒疳痢。困垂死者。取益母草煮食之。取足差止。韋丹治女子因熱病。胎死腹中。搗此草並苗令熟。以少許煖水。和絞取汁。頓服良。又主難產。搗取汁。七大合。煎半。頓服。立下。無新者。以乾者一

大握水七合煎服。又名鬱臭草。亦主馬嚙。細切此草。和醋炒。傅良。○丹溪云。主產前後諸疾。行血養血。難產。作膏服。其苗擣取汁。主浮腫下水。其子入緊面藥。令人光澤。○衍義曰。九燒此灰。入緊面藥。九燒之義。已具冬灰條中。○局云。茺蔚子能明眼目。益精更下死胎良。擣苗消腫塗癰毒。癰瘰煎莖作浴湯。

水萍○是水大萍。五月有白花。非今溝渠所生者。葉負闊寸許。背紫色。三月採。暴乾。



味辛酸。氣寒。無毒。

本經云。水萍。應是小者。主暴熱身痒。下水氣。勝酒。長鬚髮。止消渴。下氣。以沐浴。生毛髮。久服輕身。○陳藏器云。水萍有三種。大者曰蘋。葉負闊寸許。葉下有一點如水沫。一名茱菜。暴乾。與括樓等分。以人乳爲丸。主消渴。搗絞汁飲。主蛇咬毒入腹。亦可傳熱瘡。○小萍子。是溝渠間者。末。傅面黥。搗汁服之。主水腫。利小便。又人中毒。取萍子暴乾。末。酒服。方寸匙。又爲膏。長髮。○日華子云。治熱毒。風熱。疾

熱在癆腫毒湯火瘡風疹。○晷經云。大蘋。今醫方  
鮮用。浮萍。俗醫用。治時行熱病。亦堪發汗。甚有功。  
又治惡疾。遍身瘡者。取水中浮萍。濃煮汁。漬浴半  
日。多効。○丹溪云。發汗尤甚。麻黃。是水中大萍。又  
高供奉採萍歌云。不在山。不在岸。採我之時七月  
半。選甚癰風與瘦風。些小微風都不算。豆淋酒內  
下三丸。鐵幘頭上也出汗。○局云。水萍大小分三  
種。止渴仍能治火瘡。通利小便消水氣。更塗癰癤。  
熱風狂。○水萍三種。熱風癰癤共權衡。

大青○莖葉兼用。三四月採陰乾。

味苦。氣大寒。無毒。

本經云。主療時氣頭痛大熱。口瘡。○晷經云。古方治傷寒黃汗黃疸等。有大青湯。又治傷寒頭身強。腰脊痛。葛根湯亦用大青。時疾藥多用之。○局云。大青草本出荆南。最療時行口渴乾熱毒頭疼腰脊強。古方以此治傷寒。

馬鞭草○節生紫花如馬鞭。七八月採苗。日乾。

味苦微寒。無毒。○又云有毒。



本經云。主下部蠱瘡。○陳藏器云。主癥瘕。血瘕。久瘡。破血。作煎如糖。○藥性論云。亦可單用。味苦。有毒。生擣水煎去滓。成煎如飴。空心酒服一匙。主破腹中惡血。皆下。殺虫良。○日華子云。味辛涼。無毒。通月經。治婦人血氣肚脹。月候不勻。莖并葉用。○丹溪云。治金瘡。行血。活血。通婦人月經。及血氣肚痛。○局云。馬鞭草穗類。鞭鞘濕。蠱陰瘡。効最高。月水不行。須覓服。癥瘕。瘕塊。有功勞。○馬鞭草。通月水。不行。破癥瘕之癖。

夏枯草○王瓜爲之使○三四月開紫白花結子四月採五月枯。

味苦辛氣寒無毒。

本經云主寒熱瘰癧鼠瘻頭瘡破癥散癭結氣脚腫濕痺輕身○簡要云治肝虛目睛疼冷淚不止筋脉痛及眼羞明怕日補肝散夏枯草半兩香附子一兩爲末每一錢臈茶調下不計時候○丹溪云有補養血脉之功蓋稟純陽之氣得陰氣則枯也與臭草卽茺蔚全別明是兩物俱生於春但夏

枯草。先枯而無子。鬱臭草。後枯而結黑子。○局云。夏枯草至夏來枯。醫治頭瘡不可無。散癭破癥通結氣。鼠瘡癰癧更能除。○夏枯草。治頭瘡癰癧癭瘤。

蒲公草○一名地丁。四五月採。○三月開黃花似菊。麥熟時有之。斷其莖有白汁。

味甘。氣平。無毒。

本經云。主婦人乳癰腫。水煮汁飲之。及封之。立消。○晉經云。搗以傅瘡。佳。又治惡刺。及狐尿刺。搗取



根莖白汁。多塗之。差止。○丹溪云。屬土。化熱毒。消  
惡腫結核。有奇功。解石毒。散滯氣。入陽明經。太陰  
經。洗淨細剉。同忍冬藤煎濃湯。入少酒佐之。以治  
乳癰。又治丁腫。有奇功。

蘭葉○卽蘭草。四五月採。  
味辛。氣平。無毒。

本經云。主利水道。殺蠱。辟不祥。除胸中痰癖。久服  
益氣輕身不老通神明。○丹溪云。稟金水之清氣  
而似有火。蓋其葉能散久積陳鬱之氣。甚有力。入

藥煎煮用之。東垣方嘗用。又云味甘性寒。其氣清香。生津止渴。益氣潤肌。內經云。消諸痺。治之以蘭是也。消渴証。非此不除。膽痺必用。卽今人栽植座右。花開滿室盡香。○衍義云。卽春秋開花之蘭香。○丹溪云。與唐本注不同。陳藏器云。不合。更考之。生薑。○使也。秦椒爲之使。○殺半夏。菴荈毒。惡黃芩。黃連。天鼠糞。○去皮則熱。留皮則冷。○生者尤良。味辛。氣微溫。○湯云。味辛。氣溫。辛而甘。微溫。氣味俱輕。陽也。無毒。○東云。升也。陽也。制半夏有解毒。

之功。佐大棗有厚腸之力。溫經散表邪之風。益氣  
止番胃之噦。○又云。發散。○珍云。下氣消痰。益脾  
胃。溫中。去濕。散風寒。行陽。散氣。嘔者靈丹。○韋云。  
主欬逆。痰涎。嘔吐。開胃。除痰。治頭痛。鼻塞。

本經云。主傷寒頭痛。鼻塞。欬逆。上氣。止嘔吐。久服  
去臭氣。通神明。○陶云。歸五臟。去痰。下氣。止嘔吐。  
除風邪。寒熱。久服少志。少智。傷心氣。不可多食。長  
御有病者所宜。○唐注云。久服通神明。主風邪。主  
痰氣。生者尤良。經云。久服通神明。即可常噉也。今



云少智傷心氣者謬。○藥性論云使主痰水氣滿。下氣生與乾並治嗽。療時冷止嘔逆不下食。生和半夏主心下急痛。若中熱不能食。搗汁和蜜服。又汁和杏仁作煎。下一切結實心胃擁隔冷熱氣神効。○孟詵云謹按止逆散煩悶開胃氣。又薑屑末和酒服之。除偏風。汁作煎。下一切結實衝胃膈惡氣。○陳藏器云本功外。汁解毒藥。自餘破血調中去冷。除痰開胃。須熱卽去皮。要冷卽留皮。○晷經云治痢方。以生薑切如麻粒大和好茶一兩椀。呷

任意便差。若是熱痢，卽留皮。冷卽去皮。象云：治  
痰嗽。生與乾同治。與半夏等分。治心下急痛。鉏細  
用。○心云：能制半夏厚朴毒。發散風寒。益元氣。大  
棗同用。辛溫。與芍藥同用。溫經散氣。嘔家之聖藥。  
也。辛以散之。嘔爲氣不散也。此藥行陽而散氣。○  
珍云：益脾胃。散風寒。久服去臭氣。通神明。○孫真  
人云：爲嘔家之聖藥。○或問東垣曰：生薑辛溫入  
肺。入肺如何。是入胃口。曰：俗皆以心下爲胃口者。  
非也。咽門之下。受有形之物。係胃之系。便爲胃口。

與肺同處。故入肺而開胃口也。又問曰。人云夜間  
勿食生薑。食則令人閉氣。何也。曰。生薑辛溫。主開  
發。夜則氣本收斂。反食之。開發其氣。則違天道。是  
以不宜食。此以平人論之可也。若有病。則不然。薑  
屑比之乾薑不熱。比之生薑不潤。以乾生薑代乾  
薑者。以其不僭故也。○丹溪云。主傷寒頭痛鼻塞。  
欬逆上氣。止嘔吐之聖藥。治欬嗽痰涎多用者。此  
藥能行陽而散氣。故也。若破血調中。去冷除痰。開  
胃。須熱卽去皮。要冷卽留皮。○劄云。生薑辛制半



夏毒。佐大棗有厚腸功。溫經散表除風氣。止噦之能効最工。○局云。生薑爲使。味辛溫。下氣除痰。治胃翻。發散傷寒。除欬逆。嘔家聖藥。不虛言。○辛薑大熱。生者則嘔。家聖藥。乾者除霍亂。心疼。

乾薑○臣也。秦椒爲之使。惡黃芩。黃連。天鼠糞。○局云。炮令裂用。

味辛。氣溫。大熱無毒。○湯云。氣熱。味大辛。辛大熱。味薄。氣厚。陽中之陽也。辛溫無毒。○東云。生則味辛。炮則味苦。可升可降。陽也。生則逐寒邪而發表。

炮則除胃冷而守中。○又云。暖中。○珍云。溫中。治  
霍亂。去臟腑沉寒。或寒在諸經并復感。或成欬嗽  
痛疼時。通心氣。助陽。又破血。去風。多用則耗散元  
氣。○走云。逐風濕氣。痺。止吐血。主霍亂欬逆。通肢  
節。治腹冷疼。消脹破血。

本經云。主胃滿欬逆。上氣。溫中。止血。出汗。逐風濕。  
痺。腸澼。下痢。寒冷腹痛。中惡。霍亂。脹滿。風邪。諸毒。  
皮膚間結氣。止唾血。生者尤良。○唐本注云。治風  
下氣。止血。宣諸絡脉。微汗。久服令眼暗。○藥性論

二。臣。味。苦。辛。治。腰。腎。中。疼。冷。冷。氣。破。血。去。風。通。四  
肢。關。節。開。五。臟。六。腑。去。風。毒。冷。痺。夜。多。小。便。乾。者  
治。嗽。主。溫。中。用。秦。芄。爲。使。主。霍。亂。不。止。腹。痛。消。腹  
滿。冷。痢。治。血。閉。病。人。虛。而。冷。宜。加。用。之。○日。華。子  
云。消。痰。下。氣。治。轉。筋。吐。瀉。腹。臟。冷。反。胃。乾。嘔。瘀。血。  
撲。損。止。鼻。洪。解。熱。毒。開。胃。消。宿。食。○晷。經。云。近。世  
方。有。主。脾。胃。虛。冷。不。下。食。積。久。羸。弱。成。瘵。者。以。溫  
州。白。乾。薑。一。物。漿。水。煮。令。透。心。潤。濕。取。出。焙。乾。搗  
末。陳。廩。米。煮。粥。飲。尤。桐。子。大。一。服。三。五。十。枚。湯。使



任用神効。○象云。治沉寒痼冷。腎中無陽。脉氣欲絕。黑附子爲引。用水煎二物。名薑附湯。亦治中焦有寒。水洗慢火炮。○心云。發散寒邪。如多用。則耗散元氣。辛以散之。是壯火食氣故也。須以生甘草緩之。辛熱散裏寒。散陰寒。肺寒與五味同用。治嗽以勝寒。正氣虛者。散寒與人參同補藥。溫胃。腹中寒。其平以辛熱。○珍云。寒淫所勝。以辛散之。經炮則味苦。○東垣云。主胃滿溫脾。燥胃。所以理中。其實主氣而泄脾。○易老云。乾薑能補下焦。去寒。故

四逆湯用之。乾薑本味辛。及見火候稍苦。故止而不移。所以能治裏寒。非若附子行而不止也。理中湯用此者。以其四順也。○或云乾薑味辛熱。人言補脾。今言泄而不言補者。何也。東垣謂泄之一字。非泄脾之正氣也。是泄脾中寒濕之邪。故以薑辛熱之劑燥之。故曰泄脾也。○丹溪云。治血虛發熱。故產後發熱必用之。炮之與補陰藥同用。入肺中利肺氣。入腎中燥下濕。入氣分引血藥。入氣分生血。凡止血須炒令黑。生尤良。○餘同心云。象云易

老云。○劓云。乾薑生辛炮則苦。利肺氣入氣血行。生逐寒邪而發表。炮除胃冷可調中。○局云。乾薑治欬除胃滿。逐散渾身濕痺。風止痢溫中仍止血。更除霍亂腹心疼。

石龍芮。○大戟爲之使。畏蛇蛻皮。吳茱萸。味苦。氣平。無毒。

本經云。主風寒濕痺。心腹邪氣。利關節。止煩滿。平腎胃氣。補陰氣不足。失精。莖冷。久服輕身明目。不老。令人皮膚光澤。有子。五月五日採子。二八月採。



皮陰乾。○局云石龍芮苦辛無毒濕痺風寒並主  
治關節不通平胃氣遺精腎冷亦能醫。○石龍芮  
主風寒濕痺腎冷與遺精。

管實。○卽是薔薇子。以白花者爲良。花有白有赤。  
味酸氣溫微寒無毒。

本經云主癰疽惡瘡結肉跌筋敗瘡熱氣陰蝕不  
瘳利關節久服輕身益氣。○根止洩痢腹痛五臟  
客熱除邪逆氣疽癩諸惡瘡金瘡傷撻生肉復肌  
○局云管實草本卽薔薇瘍毒癰疽性可追兼療

金瘡傷撻肉。腸風血痢亦能祛。

瞿麥○臣也。藁草牡丹爲之使。惡螬蛸。○立秋採實。陰乾。○局云。只用實殼。不用莖葉。

味苦辛。氣寒。無毒。○湯云。氣寒。味苦辛。陽中微陰也。○東云。治熱淋之有血。○珍云。獨利小便。爲君。取穗。○韋云。除淋病。治吐蛔。決癰。明目。并療痿。催產通經。又墮胎。

本經云。主關格諸癥結。小便不通。出刺。決癰腫。明目。去腎。破胎。墮子。下閉血。養腎氣。逐膀胱邪逆。止

霍亂。長毛髮。○藥性論云。臣味甘。主五淋。○日華  
子云。催生。○晷經云。古今方。通心經。利小腸。爲最  
要。仲景治小便不利。有水氣。栝樓瞿麥丸。主之。○  
珍云。利小便。爲君主之用。○丹溪云。味辛。陽中微  
陰。利小便。爲君。○衍義曰。八政散。用瞿麥。今人爲  
至要藥。若心經雖有熱。而小腸虛者。服之。則心熱  
未退。而小腸別作病矣。料其意者。不過爲心與小  
腸爲傳送。故用此入小腸藥。按經。瞿麥並不治心  
熱。若心無大熱。則當止治其心。若或制之不盡。當



求其屬以衰之。用八正者。其意如此。○局云。瞿麥  
主通關格病。小便癰結可宣行。決癰明目能除腎。  
墮子催生利月經。○瞿麥。開通關格。宣癰墮子。更  
催生。

黃精○君也。三月採。陰乾。單服。九蒸九曝。入藥生用。  
○今通八月採。以嵩山茅山者爲佳。花葉相對者  
是。不對者名偏精。○鈎吻與黃精相似。誤採用之。  
殺人至死。須細認之。  
味甘。氣平。無毒。

本經云。主補中益氣。除風濕。安五臟。久服輕身。延年不肌。○藥性論云。黃精。君。○日華子云。補五勞七傷。助筋骨。止飢。耐寒暑。益脾胃。潤心肺。單服九蒸九暴。食之駐顏。入藥生用。○抱朴子云。黃精。斷穀不及木。木餌令人肥健。可以負重涉險。但不及黃精甘美。易食。凶年可以與老小休糧。人食之。謂爲米脯也。○別本注云。今人服用。以九蒸九暴爲勝。而云陰乾者。恐爲爛壞。○岳經云。根如嫩生薑。黃色。二月採根。蒸過。暴乾用。今通八月採。○博物

志。天老曰。太陽之草。名曰黃精。餌之可以長生。太陰之草。名曰鈎吻。不可食之。入口立死。人信鈎吻之殺人。不信黃精之益壽。不亦甚乎。○局云。黃精無毒。味甘平。久服延年不老。神益氣補中安五臟。勿將鈎吻誤傷人。○黃精俗字山薑。久服延年不老。

丹參。○臣也。畏鹹水。反藜蘆。○五月採根。暴乾。○一

云。夏採良。冬採虛惡。

味苦。氣微寒。無毒。



本經云。主心腹邪氣。腸鳴幽幽如走水。寒熱積聚。破癥除瘕。止煩滿。益氣養血。去心腹痼疾。結氣。腰脊強。脚痺。除風邪留熱。久服利人。○陶云。時人服之多。眼赤。故應性熱。今云微寒。恐謬。○藥性論云。臣平。治脚弱疼痺。主中惡。治百邪鬼魅。腹痛。氣作聲音。鳴吼。能定精。○肖炳云。酒浸服之。治風軟脚。可逐奔馬。故名奔馬草。○日華子云。養神。定志。通利關節。治冷熱勞骨節疼痛。四肢不遂。排膿。止痛。生肌。長肉。破宿血。補新生血。安生胎。落死胎。止血。

崩帶下。調婦人經脉不勻。血邪心煩。惡瘡。疥癬。癭贅。腫毒。丹毒。頭痛。赤眼。熱温狂病。○局云。丹參益氣。攻煩滿。補血安胎。利月經。更治腸鳴如走水。去除積聚。破癥瘕。○丹參補胎氣。兼利月經。

大小薊根。○五月採。陰乾。○衍義曰。皆相似。花如髻。但大薊高三二尺。葉皺。小薊高一尺許。葉不皺。以此爲異。小薊山野人共取爲蔬。甚通用。雖有微芒。亦不能害人。

味甘。氣温。○一云苦平。○一云涼。俱無毒。

本經云。主養精。保血。大薊。主女子赤白沃。安胎。止  
吐血。衄鼻。令人肥健。○唐本注云。大小薊。葉相似。  
功力有殊。並無毒。亦非虎猫薊也。大薊。生山谷。根  
療癰腫。小薊。生平澤。俱能破血。小薊不能消腫也。  
○陳藏器云。小薊。破宿血。止新血。暴下血。血痢。驚  
瘡。出血。嘔血等。絞取汁。溫服。作煎。和糖。合金瘡。及  
蜘蛛。蛇蝎。毒。服之亦佳。○藥性論云。大薊。亦可單  
用。味苦。平。止崩中。血下。生取根。搗絞汁。服半升許。  
多立定。○日華子云。小薊根。涼。無毒。治熱毒風。并



胃膈煩悶。開胃下食。退熱補虛。損苗去煩熱。生研  
汁服。小薊力微。只可退熱。不似大薊能補養下氣。  
又云大薊葉涼。治腸癰。腹臙。瘀血。運撲損。可生  
研酒。并小便任服。惡瘡疥癬。鹽研罽傳。○菑經云  
小薊亦生。搗根絞汁飲。以止吐血。衄血。下血。皆驗。  
大薊根苗。與此相似。但肥大耳。而功力有殊。破血  
之外。亦療癰腫。小薊專主血疾。○局云。薊根大者  
治崩中。吐衄。能除更療癥。小薊養精。仍保血熱風  
研汁有竒功。○大薊功同小薊。治癰腫。血崩。吐衄。

羊躑躅○羊誤食其葉躑躅而死故名○惡諸石及麩不入湯服

味辛氣溫有大毒

本經云主賊風在皮膚中淫淫痛溫瘡惡毒諸痺邪氣鬼疰蠱毒○局云羊能誤食其苗葉躑躅而死得其名消除古毒攻諸痺風賊皮膚理爛淫○羊躑躅主賊風攻皮膚

鷄冠子○入藥炒用○今醫方皆用白者

氣涼無毒

本經云止腸風瀉血赤白痢婦人崩中帶下。

王瓜○使也卽月令云王瓜生者是也○三月採根

陰乾○五月開黃花花下結子如彈丸生青熟赤

○一名土瓜

味苦氣寒無毒

本經云主消渴內痺瘀血月閉寒熱酸疼益氣愈

聾療諸邪氣熱結鼠痿散癰腫留血婦人帶下不

通下乳汁止小便數不禁逐四肢骨節中水療馬

骨刺人倉○唐本注云療黃疸破血○陳藏器云



主蠱毒。小兒閃癖。痞滿并瘡。取根及葉。搗絞汁服。當吐下。宜少進之。有小毒故也。○日華子云。王瓜根。通血脉。天行熱疾。酒黃病壯熱。心煩悶。吐痰痰瘡。排膿熱勞。治撲損。消瘀血。破癥瘕。落胎。○藥性論云。土瓜根使平。一名王瓜子。主蠱毒。治小便數遺不禁。○局云。王瓜本卽土瓜名。主療陰人乳不行。治渴散癰除疽病。并消癥血。及通經。○王瓜導乳汁之泉。

王瓜子

云土瓜風濕血赤白麻散入煎中帶下

本草綱目卷之二十一 百四十三 二十八十二

日華子云潤心肺。治黃病。生用。肺痿。吐血。腸風瀉血。赤白痢。炒用。

甘蕉根。○芭蕉花。○君也。根可生用。不入方。

氣大寒。○一云味甘寒無毒。

本經云。主癰腫結熱。○陶云。惟根搗爛。傳熱腫甚良。○唐本注云。甘蕉根味甘寒無毒。搗汁服。主產後血脹悶。傳腫去熱毒亦効。嶺南者子大味甘冷。不益人。北間但有花汁無實。○今注云。按此花葉。

與芭蕉相似而極大。子形負長及生青。熟黃。南人

皆食之。而多動氣疾。其根搗傳熱腫尤良。○藥性論云。甘蕉君搗傳一切癰腫。上乾卽更上。無不差者。○日華子云。生芭蕉根。治天行熱狂煩悶消渴。患癰毒。并金石發熱悶。口乾人。並絞汁服。及梳頭。長益髮。腫毒。遊風。風癩。頭痛。并研罾傳。○晁經云。甘蕉。乃是有子者。葉大抵與芭蕉相類。但花出瓣中。極繁。紅者如火炬。謂之紅蕉。白者如蠟色。謂之水蕉。其花大類象牙。故謂之牙蕉。其實亦有青黃之別。品類亦多。食之大甘美。亦可暴乾寄遠。北土



得之。以爲珍果。○閩人灰理其皮。令錫僭績。以爲布。如古之錫衰焉。其根極冷。搗汁。以傳腫毒。葶婦血妨。亦可飲之。○又芭蕉根。性亦相類。俚醫以治時疾狂熱。及消渴。金石發動躁熱。並可飲其汁。

### 芭蕉油

日華子云。冷。無毒。治頭風熱。并婦人髮落。止煩渴。及湯火瘡。○晷經云。治暗風癩病。涎作暈悶欲倒者。飲之得吐。便差。極有奇効。取之用竹筒插皮中。如取漆法。

天名精○垣衣爲之使。一名麥句薑。一名蝦蟆藍。

味甘。氣寒。無毒。

本經云。主瘀血。血癥。欲死。止血痢。小便。除小虫。去  
痺。除胃中結熱。止煩渴。逐水。大吐下。久服輕身耐  
老。○局云。天名精。本出平原。瘀血癥瘕。破令寬。更  
療金瘡。攻痿痺。消除煩渴。利漩難。

豨薟○夏採葉。暴乾用。○又云。五。六。九。月採。九蒸九  
晒。丸服。○一云。五。月。五。日採者。佳。

味苦。氣寒。有小毒。

本經云。主熱蠱。煩滿不能食。生搗服三四合。多則令人吐。○《醫經》云。近世多有單服者。云甚益元氣。蜀人服之法。五月五日。六月六日。九月九日。採其葉。去根莖。花實淨洗。暴乾。入甌中。層層洒酒。與蜜蒸之。又暴。如此九過則已。氣味極香美。熬搗篩蜜丸服之。云治肝腎風氣。四肢麻痺。骨間疼。腰膝無力者。亦能行大腸氣。○惟文州高郵軍云。性熱。無毒。服之補虛安五臟。生毛髮。兼主風濕瘡。肌肉頑痺。婦人久冷。尤宜服用之。去粗莖。留枝葉。花實蒸。



暴兩說不同。豈單葉乃寒而有毒，并枝花實則熱而無毒乎。抑繫土地所產而然邪。○局云：本草係簽卽火杵，誰知至賤有竒能。知州張詠嘗經進濕痺諸風，盡絕根。○稀簽除濕痺諸風。

葶藶。○薏苡爲之使。畏葵根、大黃、柴胡、牡蠣。○二八採根暴乾。○尾云：淨洗酒浸一宿焙。○須用川者。味苦甘，氣平，無毒。

本經云：主腰背痛，強骨節，風寒濕周痺，惡瘡不瘳。熱氣傷中，恚怒，陰痿，失溺，關節老血，老人五緩。○

藥性論云。治冷風癢痺。腰脚不遂。主男醫腰痛久冷。是腎有膀胱宿水。○日華子云。治癱緩軟風頭。旋痼疾。補水藏。堅筋骨。益氣。失音。○啗經云。廣利方。療丈夫腰脚痺。緩急行履不穩者。以草薺二十四分。合杜仲八分。搗末。每日溫酒和服三錢匙。○局云。草薺主除腰背痛。治風寒溫痺周身。補濕水。臟堅筋骨。失溺陰萎。治老人。○草薺扶老補虛。腰疼脚弱。與濕痺牽纏。

零陵香。○得酒良。又名薰草。卽香草也。○三月採。陰

乾脫節者良。

味甘。氣平。無毒。

本經云。主惡氣。疰心。腹痛滿。下氣。令體香。和諸香。作湯丸。用之。山海經云。薰草。麻葉。方莖。氣如薜蘿。可以止癘。卽零陵香也。○陳藏器云。明目。止痰。療洩精。去臭。惡氣。傷寒。頭疼。○日華子云。治血氣。腹脹。酒煎服。莖葉。○畧經云。古方。但用薰草。而不用零陵香。今合香家。及面膏。澡豆。諸法。皆用之。都下市肆。貨之甚多。○唐本注云。可和諸香。煮汁飲之。



亦宜衣中香。○海藥云。味辛。溫。無毒。主風邪衝心。  
牙車腫痛。虛勞。疝。凡。是。齒。痛。煎。含。良。得。升。麻。細。  
辛。善。不。宜。多。服。令。人。氣。喘。○集。云。婦。人。浸。油。櫛。髮。  
香。無。以。加。

蘆薈○生波斯國。似錫木。生山野中。滴脂淚而成。採  
之。不。拘。時。月。○一。云。似。黑。錫。

味苦。氣寒。無毒。○雷公云。是白象膽乾之。更考。

本經云。主熱風煩悶。胃膈間熱氣。明目。鎮心。小兒  
癩。癩。驚。風。療。五。疳。殺。三。虫。及。痔。病。瘡。癢。解。巴。豆。毒。

○藥性論云。亦可單用。殺小兒疳虵。主吹鼻。殺腦疳。除鼻痒。○晁經云。劉禹錫云。患癬在頸項間。延上耳成濕瘡。用蘆薈一兩。研。炙甘草半兩末。相和令勻。先以溫漿水洗癬。乃用舊乾帛子拭乾。便以二味合和傅之。立乾。差。神奇。○又治蠶齒。海上方云。取蘆薈四分。杵末。先以鹽揩齒。令淨。然後傅少末於上。妙。○局云。蘆薈俗呼爲象膽。以其味苦。故爲名。小兒驚熱癩癩病。瘡痔疳虫。必用之。○蘆薈俗呼爲象膽。主驚熱。殺疳虫。

海金沙○七月收採。

本經云。主通利小腸。得梔子馬牙消。蓬沙。共療傷寒熱狂。七月收採。收時全科。於日中暴之。令小乾。紙襯。以杖擊之。有細沙落紙上。旋收之。且暴。且擊。以沙盡爲度。用之。或丸。或散。○晷經云。治小便不通。臍下滿悶方。海金沙一兩。蠟面茶半兩。二味搗碾令細。每服三錢。煎生薑甘草湯調下。服無時。未通再服。○局云。海金沙用日中收。通利便。旋細末調。若療傷寒強熱病。蓬沙。梔子馬牙消。○海金沙。



用日中收。攻傷寒熱病。

薺芫○根似桔梗。以無心爲異。二八月採根。暴乾。○  
今多以蒸壓匾。亂人參。但味淡爾。

味甘。氣寒。○一云無毒。

本經云。主解百藥毒。○陶云。根莖都似人參。而葉  
小。然根味甜。絕能殺毒。以其與毒藥共處。而毒皆  
自然歇。不正入方家用也。○日華子云。殺蠱毒。治

蛇虫咬。熱病。溫疾。署毒箭。○晷經云。人家收以爲  
梁菜。或作脯噉。味甘佳。古方解五石毒。多生服薺

芎汁良。又小品方。治蠱。取薺芎根搗末以飲。服方寸匙。立差。○金匱玉函方。鈎吻葉與芹葉相似。誤食之。殺人。薺芎八兩。水六升。煮取一升。爲兩服。解之。

狼毒○使也。大豆爲之使。惡麥句薑。○二八月採根。陰乾。陳而沉水者良。

味辛。氣平。有大毒。

本經云。主欬逆上氣。破積聚。飲食寒熱。水氣脅下

積癰。惡瘡。鼠瘻。疽蝕。鬼精。蠱毒。殺飛鳥走獸。○蜀

菡經云。根似玄參。浮虛者爲劣也。○藥性論云。使  
味苦辛。有毒。治痰飲癥瘕。亦殺鼠。○局云。狼毒味  
辛平。有毒。陳而沉水者爲良。主除欬逆并心痛。蠱  
毒虫蛆鼠痿瘡。○狼毒除九種心痛。

鬼臼○使也。畏垣衣。不入湯。○二八月採。○陶云。九  
臼相連有毛者良。○菡經云。一年一臼生。而一臼  
腐陳新相易。及八九年。則八九臼矣。鬼臼如天南  
星。側比相疊。而色理正如射干。

味辛。氣溫。微溫。有毒。



本經云。主殺蠱毒。鬼疰。精物。辟惡氣。不祥。逐邪。解百毒。療欬嗽。喉結。風邪。煩惑。失魄。妄見。去目。膚醫。殺大毒。不入湯。○藥性論云。使。味苦。能主尸疰。癘。燂勞疾。傳尸。瘦病。主辟邪。

鶴虱○七月開黃花似菊。八月結實。子極堅細。乾卽黃黑色。採無時。○合莖葉用之。

味苦。氣平。有小毒。○一云。涼。無毒。

本經云。主蛇虵蟲。用之爲散。以肥肉臠汁服。方寸匙。亦丸散中用。○別本注云。心痛。以淡醋和半錢。

匙服立差。○日華子云。涼無毒。殺五臟蟲。止瘡。及  
傳惡瘡。○晷經云。療虻咬心痛。取鶴蝨十兩。搗末。  
蜜和丸。梧子大。以蜜湯空腹吞四十九。日增至五  
十九。忌酒肉。○又治患心痛。十年不差。於雜方內  
見。合服便愈。○又治小兒虻蠱嚙心腹痛。亦單服。  
鶴蝨細研。以肥猪肉下。五歲一服二分。蟲出便止。  
餘以意增減。○局云。鶴蝨苦平微有毒。火杵草卽  
是其苗。虻虫咬嚙心疼痛。爲末湯和淡醋調。○鶴  
蝨殺三虫。

水蓼。○生於淺水澤中。其葉大於家蓼。

味辛。冷。無毒。

本經云。主蛇毒。擣傅之。絞汁服。止蛇毒入內心悶。  
水煮漬。將脚消氣腫。

白藥。○又名白藥子。○九月枝折採根。日乾。

味辛。氣溫。無毒。○一云。味苦。○又云。冷。

本經云。主金瘡。生肌。○別本注云。解野葛生金巴。

豆。百藥毒。刀斧折傷。能止血痛。乾末傅之。○藥性。

論云。亦可單用。味苦。能治喉中熱塞。噎痺不通。曾。



中隘塞咽中常痛腫脹。○日華子云白藥冷消痰止嗽治渴并吐血喉閉消腫毒。○又云翦草涼無毒治惡瘡疥癬風瘙根名白藥。○晷經云取根并野豬尾二味洗淨去粗皮焙乾等分停搗蕪酒調服錢匙療心氣痛解熱毒甚効。又諸瘡癰腫不散者取生根爛搗傳貼乾則易之無生者用末水調塗之亦可。

乾苔。○卽海中苔菜。

水味鹹氣寒。○一云溫其葉大似寒蓼。

本經云。主痔。殺蟲。及霍亂嘔吐不止。煮汁服之。又  
心腹煩悶者。冷水研如泥。飲之卽止。又發諸瘡疥。  
下一切丹石。殺諸藥。不可多食。令人痿黃。少血色。  
殺木蠹虫。內木孔中。但是海族之流。皆下丹石。

草蒿。○卽青蒿也。四五月採苗。日乾。八九月採子。陰  
乾。根莖子葉。並入藥用。○四者若同。反以成疾。○  
童子小便浸之。良。○又云。採葉不計多少。用七歲  
童子溺。浸七日夜。後漉出。晒乾用之。○春夏用苗。  
秋冬用子。

味苦氣寒無毒。○一云子味甘冷無毒。

本經云主疥瘙痂痒惡瘡殺虫留熱在骨節間明目。○唐本注云生按傅金瘡大止血生肉止疼痛良。○陳藏器云主鬼氣尸疰伏連婦人血氣腹內滿及冷熱久痢秋冬用子春夏用苗並搗絞汁服亦暴乾爲末小便中服如覺冷用酒煮又燒爲灰紙八九重淋取汁和石灰去息肉鱉子。○日華子云補中益氣輕身補勞駐顏色長毛髮髮黑不老兼去蒜髮心痛熱黃生搗汁服并傅之瀉痢飯飲



調末五錢匙。燒灰和石灰煎。治惡毒瘡。并莖亦用。  
○又云。子味甘。冷。無毒。明目。開胃。炒用。治勞壯。健  
人小便。浸用。治惡瘡。疥癬。風癩。殺蟲。煎洗。○又云。  
臭蒿子。涼。無毒。治勞。下氣。開胃。止盜汗。及邪氣。鬼  
毒。○畧經云。得童子小便。浸之。良。治骨蒸。熱爲最  
古方多單用者。又海上方。療骨蒸。鬼氣。取童子小  
便五大斗。澄過。青蒿五斗。八九月採。帶子者最好。  
細剉。二物相和。內好大釜中。以猛火煎。取三大斗。  
去滓淨。洗釜。令乾。再瀉汁。安釜中。以微火煎。可二

大斗。取猪膽十枚相和煎一大斗半。除火待冷。以新甕器盛。每欲服時。取甘草二三兩。熟炙搗末。以煎和搗一千杵爲丸。空腹粥飲下二十九。漸增至三十丸止。○又治金刃初傷。取生青蒿搗傅上。以帛裹創。血止卽愈。○食療云。青蒿寒。益氣長髮。輕身。補中。不老。明目。煞風毒。搗傅瘡上。止血生肉。○又治骨蒸。以小便漬一兩宿。乾末爲丸。甚去熱勞。○又鬼氣。取子爲末。酒服之。方寸匙。差燒灰淋汁和石灰煎。治惡瘡癩。○斗門方。治丈夫婦人勞

瘦青蒿細剉水三斗童子小便五升同煎取二升  
半去滓入器中煎成膏丸如梧子大空心臨臥溫  
酒下二十九○局云草蒿一本作青蒿能療骨蒸  
更補勞風癩洗瘡除疥蝨秋冬用子夏春苗○草  
蒿一本作青蒿去骨蒸勞熱

薪萇覓子○得荆實細辛良惡乾薑苦參

味辛氣微溫無毒

本經云主明目目痛淚出除疸補五臟益精光療  
心腹腰痛久服輕身不老○藥性云治肝家積聚



眼目赤腫。○局云。薪蕘微温。味氣辛。末之點眼。令光明。能安五臟。輕身體。心腹腰疼。益婦人。

藜蘆。○使也。黃連爲之使。反細辛芍藥五參惡大黃。  
○三月採根。陰乾。○用之止剔取根。微炙之。○又云。凡採得。去蘆頭。用糯米泔汁煮。出燉乾用之。○不入湯。

味辛苦。氣寒。微寒。有毒。

本經云。主蠱毒。欬逆。洩痢。腸澼。頭瘍。疥瘙。惡瘡。殺諸蟲毒。去死肌。療噦逆。喉痺不通。鼻中息肉。馬刀。

爛瘡不入湯。○藥性論云使大毒主上氣去積年  
膿血泄痢。治惡風瘡疥癬頭禿殺虫。○醫經云此  
藥大吐上膈風涎。闇風癩病。小兒顰齁。用錢匙一  
字。則惡吐人。又用通頂令人嚏。而古經本草云療  
嘔逆其効未詳。○簡要云治中風不省人事。牙關  
緊急者。藜蘆一兩。去蘆頭。濃煎。防風湯浴過。焙乾。  
碎切。炒微褐色。搗爲末。每服半錢。溫水調下。以吐  
出風涎爲効。○局云藜蘆主殺諸虫毒。吐出風涎。  
不入湯。疥瘙惡瘡爲要藥。更除息肉及頭瘍。○藜

本草綱目卷之二十一  
蘆爲疥瘡之藥

百草灰

本經云。主腋臭。及金瘡。五月五日採。露取之。一百種。陰乾。燒作灰。以井華水爲團。重燒令白。以醎醋和爲餅。腋下挾之。乾卽易。當抽一身痛悶。瘡出卽止。以水小便洗之。不過三兩度。○又主金瘡。止血生肌。取灰和石灰爲團。燒令白。刮傅瘡上。金星草。○喜生陰石中。上淨處。及竹箐中。不見日處。或大木下。或古屋上。惟單生一葉。色青。長一二尺。



至冬大寒。葉背生黃星點子。兩行相對。如金色。故得名。其根盤屈如竹根而細。折之有筋。如猪馬駿陵冬不凋。無花實。五月和根採之。風乾用。味苦。氣寒。無毒。

本經云。主癰疽瘡毒。大解硫黃。及丹石毒發背癰腫結核。用葉和根。酒煎服之。先服石藥悉下。又可作末。冷水服。及塗發背瘡腫上。殊効。根碎之。油浸塗頭。大生毛髮。○晷經云。性至冷。服後下利。須補治。乃平復。老年不可輒服。○局云。金星草有金星。

點專治癰疽發背瘡。爲末水調。乘冷服。可除丹毒。  
解硫黃。○金星草。治丹毒發背。諸癰。

穀精草。○二三月於穀田中採之。花白而小。負似星  
故名。

味辛。氣溫。無毒。

本經云。主療喉痺。齒風痛。及諸疥瘡。飼馬主蟲。頽  
毛焦等病。○局云。穀精草治咽喉痺。療齒仍堪去  
痛風。有馬若還能餵飼。長毛更治頽間虫。○穀精  
草。破翳膜遮睛。

山慈菘根○一名鹿蹄草。

本經云。有小毒。主癰腫瘡癩癰結核等。醋摩傳之。亦剝人面皮。除肝黧。○經驗方。貼瘡腫。取莖葉搗爲膏。入蜜。貼瘡口上。候清血出。効。○局云。山慈菘是鬼燈檠花。卽金燈濕地生。瘡腫癰疽癩癰核。毒消萬病。醋摩傳。○山慈菘。諸瘡解毒最雄。

茵實○蕘麻子也。今人作布。及索蕘麻也。實似大麻子。熱結癰腫無頭。吞之則爲頭。易穴。九十月採實。

陰乾。



味苦。氣平。無毒。

本經云。主赤白冷熱痢。散服飲之。吞一枚。破癰腫。

○晷經云。古方亦用根。

忍冬○此草藤生。繞覆草木上。其嫩莖有毛。○十二

月採。陰乾。○局云。開花五出。微香。蒂帶紅。初開則

色白。經一二日則色黃。故名金銀花。○一名鷺鷥

藤。

味甘。氣溫。無毒。○一云。小寒。

本經云。主寒熱身腫。久服輕身長。老益壽。○陳藏

器云。忍冬。主熱毒血痢。水痢。濃煎服之。小寒。本條云。溫。非也。○藥性論云。忍冬。亦可單用。味辛。主治腹脹滿。能止氣下泄。○局云。忍冬草。卽鷺鷥藤。花比金銀蔓。左纏。瘡腫癰疽。爲要藥。誰知至賤。有高能。○忍冬草。散腫消癰。

燈籠草。○八月採。枝幹高三四尺。有花紅色。狀若燈籠。內有子。紅色可愛。

味苦。氣大寒。無毒。

本經云。主上氣咳嗽。風熱。明目。所在有之。根莖花

實並入藥使。○丹溪云。氣寒。治熱痰嗽。佛耳草治寒嗽。

蠶實○卽馬藺子也。五月採實。陰乾。

味甘。氣平。溫。無毒。○一云寒。

本經云。主皮膚寒熱。胃中熱氣。風寒濕痺。堅筋骨。令人嗜食。止心煩滿。利大小便。長肌膚。肥大。久服輕身。○花葉去白虫。療喉痺。多服令人澹洩。○日華子云。馬藺。治婦人血氣煩悶。產後血運。并經脈不止。崩中帶下。消一切瘡癰腫毒。止鼻洪通小腸。



消酒毒。治黃病。傳蛇虫咬。○局云。蠶實一名爲馬  
蘭。去風寒濕痺。周身更除胃熱。攻喉痺。血氣崩中  
治婦人。○蠶實卽馬蘭。去濕醫崩。

蔣蘿○生佛誓國。

味辛。氣溫。無毒。

本經云。主小兒氣脹。霍亂嘔逆。腹冷。食不下。兩肋  
痞滿。○局經云。今人多以和五味。不聞入藥用。

鱧腸○卽蓮子草也。俗謂之旱蓮子。○二八月採。陰  
乾。亦謂之金陵草。

味甘酸。氣平。無毒。

本經云。主血痢。針灸瘡。發洪血不可止者。傅之立已。汁塗髮眉。生速而繁。○日華子云。排膿止血。通小腸。長鬢髮。傅一切瘡。并蠶癩。○岳經云。孫思邈千金月令云。益髭髮。變白爲黑。金陵草煎方用之。茅香花。○正二月採根。五月採花。八月採苗。其莖葉黑褐色。而花白者。名白茅香也。

味苦。氣溫。無毒。○一云味甘平。

本經云。主中惡。溫胃。止嘔吐。療心腹冷痛。苗葉可

煮作浴湯。辟邪氣。令人身溫。○日華子云。白茅香  
花。塞鼻。洪傳。久不合。灸瘡。罨刀箭瘡。止血。并痛。煎  
湯。止吐血。鼻衄。○陳藏器云。白茅香。味甘。平。無毒。  
主惡氣。令人身香美。煮服之。主腹內冷痛。生安南。  
如茅根。○局云。茅香。薰體。可令香。辟惡。應須煮作  
湯。止嘔。溫脾。除中惡。腹心冷痛。用之良。

地笋 ○卽澤蘭根。

氣溫無毒。

本經云。利九竅。通血脈。排膿。治血。止鼻洪。吐血。產



後心腹痛一切血病。肥白人產婦。可作蔬菜食。甚佳。

翦草○根名白藥○二三月採。暴乾用

氣涼。無毒。○一云味苦平。有毒。

本經云。治惡瘡疥癬風瘙。○晁經云。主諸瘡疥癩  
瘦。及牛馬諸瘡。○局云。翦草專治疥癬瘡。婺州產  
者最爲良。根名白藥。金瘡用。末調雞子。傅胎傷。○  
翦草。入疥瘡之藥。

燈花末

本經云。傳金瘡。止血。生肉。令瘡黑。今燈花落有喜事。不爾。得錢之兆也。

篇蓄○使也。亦名篇竹。○五月採苗。陰乾。

味苦。氣平。無毒。○一云味甘。

本經云。主浸淫疥癬疽痔。殺三虫。療女子陰蝕。

### 佛耳草

味酸。氣熱。○象云。治寒嗽及痰。除肺中寒。大升肺氣。少用。欵冬花爲使。過食損目。

屋遊○青苔衣。生瓦屋上陰處。八九月採。去泥。煮服。

味甘。氣寒。

本經云。主浮熱在皮膚。往來寒熱。利小腸膀胱氣。  
○局云。瓦上青苔。號屋遊。喜生陰處。尚輕浮。皮膚  
寒熱。閑來往。逐利膀胱齒衄優。○屋遊。斷齒衄之  
蹤。

防葵。○凡使。勿用狼毒。但置水沉者。爲狼毒也。○生  
臨淄川谷。及嵩高太山少室。

味辛甘。苦。氣寒。無毒。

本經云。主疝瘕。腸澼。膀胱執結。溺不散。欬逆。溫瘡。



癩癩驚邪狂走。療五臟虛氣。小腹支滿。膨脹口乾。除腎邪。強志。久服堅骨髓。益氣輕身。中火者不可服。令人恍惚見鬼。○局云。防葵療瘡。攻腸澼。通利膀胱。治疝瘕。大止癩癩。并欬逆。更除頭痛及驚邪。絡石○杜仲牡丹爲之使。惡鐵落。畏貝母。菖蒲。○生太山川谷。或石山之陰。或高山巖石上。或生人間。今在處有之。生陰濕處。寺院及人家亭圃山石間。種以爲飾。葉負如細橘。長冬夏不凋。其莖蔓延。根節着處。卽生根。須包絡石上。故名。

味苦。氣溫。微寒。無毒。

本經云。主風熱死肌。癰傷口乾。舌焦。癰腫不消。喉  
舌腫不通。水漿不下。大驚入腹。除邪氣。養腎。主腰  
髀痛。堅筋骨。利關節。久服輕身。明目延年。通神。○  
局云。絡石爲君。卽石綾。龍鱗。薜荔亦其名。主除風  
熱。癰瘡腫。通利咽喉。去大驚。○絡石。治癰瘡。消熱  
毒。苗似龍鱗。薜荔。

景天○今南北皆有。人家多種於中庭。或以盆盎植  
於屋上。云以辟火。謂之慎火草。

味苦酸。氣平。無毒。

本經云主大熱。火瘡。身熱煩。邪惡氣。諸蠱毒。痂疔。寒熱。風痺。諸不足。○花主女人漏下。赤白。輕身明目。○局云。景天卽是慎火草。主治勞煩。大熱瘡。風癩。赤丹。研汁服。女人漏下。用花良。○景天主風癩。赤丹卽慎火草。

續隨子○一名聯步。一名千金子。○人家園亭。多種

以爲飾。實入藥。下水最速。有毒。損人。不可過多用。須去殼。研。以紙裹。用物壓出油。重研。



味辛。氣溫。有毒。

本經云。主婦人血結。月閉。癥瘕。疰癘。疥癬。血蠱。毒。鬼  
疰。心腹痛。冷氣。脹滿。利大小腸。除痰。飲積。聚。下惡  
滯物。莖中白汁。剝人面皮。去黥黥。○局云。聯步元  
來。卽續隨。宣通惡滯。有竒功。癥瘕。虫毒。兼痰癘。水  
氣。蛇傷。用更宜。○續隨子。消癥蕩滯。古毒尤攻。

酸漿。○處處有之。苗似水茄而小。葉亦可食。實作房  
如囊中。有子如李梅大。皆赤黃色。小兒食之尤宜  
益。

味酸。氣平寒。無毒。

本經云。主熱煩滿。定志。益氣。利水道。產難。吞其實。立產。○局云。酸漿。主熱除煩滿。通利諸淋。及治崩。婦人產難。胎不下。若吞其實。卽時生。○酸漿。催生。易爲生。

菴藺子。○荆實。薏苡爲之使。○處處有。人家種此。辟蛇。

味苦。氣微寒。微溫。無毒。

本經云。主五臟癆。血腹中水氣。臃脹。留熱。風寒濕。

痺。身體諸痛。療心下堅。膈中寒熱。周痺。婦人月水  
不通。消食明目。久服輕身。延年不老。○局云菴藟  
子味苦微寒。瘀血能消。水氣寬。久服輕身。明眼目。  
風寒濕痺。盡皆痊。○菴藟子。主風寒濕痺。水氣皆  
寬。